

Bosna i Hercegovina
FEDERACIJA BOSNE I
HERCEGOVINE
ZENIČKO-DOBOJSKI KANTON
SKUPŠTINA
Nezavisni odbor za izbor i reviziju



05-03/31 01/17 d

Bosnia and Herzegovina
FEDERATION OF BOSNIA AND
HERZEGOVINA
ZENICA-DOBOJ CANTON
CANTON ASSEMBLY

Broj: 01-04-1133-1/17
Zenica, 27.01.2017.godine

SKUPŠTINA ZENIČKO-DOBOJSKOG KANTONA			
Datum: 31.01.2017.			
Opis	Broj	Prilog	Vrijednost
	01-04-1133-1/17		

SKUPŠTINA
ZENIČKO-DOBOJSKOG KANTONA
n/r predsjedavajuće

PREDMET: Izvještaj o radu Nezavisnog odbora za izbor i reviziju za 2016. godinu
- dostavlja se

U prilogu ovog dopisa, dostavljamo Vam **Izvještaj o radu Nezavisnog odbora za izbor i reviziju za 2016. godinu**, koji je sačinio Nezavisni odbora za izbor i reviziju na svojoj 18. sjednici održanoj dana **27.01.2017. godine**, radi razmatranja istog na jednoj od narednih sjednica Skupštine Zeničko-dobojskog kantona.

S poštovanjem!

PRILOG: Kao u dopisu

Dostavljeno:

- Naslovu,
- 1x U spis predmeta 18. sjednice
Nezavisnog odbora za izbor i reviziju



PREDSIJEDNIK

Ahmed Belopoljak

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
SKUPŠTINA
- Nezavisni odbor za izbor i reviziju -**

**IZVJEŠTAJ O RADU
za 2016. godinu**

Zenica, januar 2017. godine

U skladu sa Zaključkom Skupštine Zeničko-dobojskog kantona broj: 01-04-9195/15 od 22.04.2015. godine, Nezavisni odbor za izbor i reviziju podnosi Izvještaj o radu za 2015. Godinu.

UVODNE NAPOMENE

Nezavisni odbor za izbor i reviziju razmatra mjesečne izvještaje o radu Uprave policije, zajedno sa izvještajem o radu policijskog komesara, jer su rad i rezultati rada Uprave policije odraz aktivnosti policijskog komesara kao rukovodioca ove Uprave. U skladu sa odredbama Poslovnika o radu, Nezavisni odbor održava redovne sjednice, kako bi imao cjelovit i kontinuiran uvid u rad policijskog komesara i Uprave policije, odnosno bezbjedonosnu situaciju u Zeničko-dobojskom kantonu.

NADLEŽNOST NEZAVISNOG ODBORA ZA IZBOR I REVIZIJU

Nadležnost Nezavisnog odbora za izbor i reviziju utvrđena je u odredbi člana 31. Zakona u unutrašnjim poslovima Zeničko-dobojskog kantona-Prečišćeni tekst (Službene novine Zeničko-dobojskog kantona broj: 15/04, 11/05 i 9/09), u kojoj je navedeno da:

U procesu imenovanja i smjene policijskog komesara Nezavisni odbor:

- *raspisuje javni konkurs,*
- *razmatra prispjele prijave,*
- *vrši selekciju i odabir odgovarajućih kandidata,*
- *predlaže kandidata za policijskog komesara ministru,*
- *razmatra sve žalbe na rad policijskog komesara, uključujući i žalbe građana,*
- *razmatra prijedloge Skupštine, Vlade ili ministra o smjeni policijskog komesara,*
- *predlaže smjenu policijskog komesara u slučaju ispunjenja slijedećih uslova:*
 - a) dokazanog krivičnog djela ili teškog disciplinskog prekršaja,*
 - b) primjene člana 75. ovog Zakona,*
 - c) izdavanja od IPTF-a izvještaja o nepridržavanju dogovorenih pravila,*
- *ocjenjuje cjelokupan rad policijskog komesara u slučaju ponovnog imenovanja za drugi mandat*

Nezavisni odbor za izbor i reviziju sastoji se od 7 članova, od kojih su pet članovi iz reda građana, (ugledni stručnjaci iz oblasti pravnih i kriminalističkih nauka i ljudskih prava), dok su dva člana predstavnici MUP-a. Nezavisni odbor za izbor i reviziju imenovan je Odlukom Skupštine Zeničko-dobojskog kantona, donesenoj na 9. sjednici održanoj dana 19.05.2015. godine, a objavljenoj u „Službenim novinama Zeničko-dobojskog kantona“, broj: 4/15 od 25.06.2015. godine.

Nezavisni odbor za izbor i reviziju je imenovan na period od 4 godine, u sastavu:

1. Bjelopoljak Ahmed, *iz reda građana,*
2. Martin Grujo, *iz reda građana,*
3. Marković-Sekulić Željka, *iz reda građana,*
4. Avdija Spahić, *iz reda građana,*
5. Rezaković Nevzeta, *iz reda građana*
6. Mehić Munever, *predstavnik MUP-a*
7. Orlić Suad, *predstavnik MUP-a.*

U periodu od 16.10.2015. godine do 05.12.2016. godine Nezavisni odbor je radio u nepotpunom sastavu, zbog ostavke jednog člana Nezavisnog odbora. Konačno, 05.12.2016.

godine, nakon provedene procedure po javnom oglasu, umjesto Orlić Suada imenovan je Duraković Miralem, kao predstavnik MUP-a.

PODUZETE AKTIVNOSTI NEZAVISNOG ODBORA U IZVJEŠTAJNOM PERIODU

Nezavisni odbor za izbor i reviziju je izvještajnom periodu održao **deset sjednica** na kojima se upoznao sa izvještajima o radu policijskog komesara i Uprave policije za mjesec decembar 2015. godine, te od januara do novembra 2016. godine. Zbog godišnjih odmora na dvije sjednice Nezavisnog odbora, na 12. i 13. sjednici, razmatrana su po dva izvještaja. Ukupno u izvještajnom periodu raspravljalo se o **25 tačaka** dnevnog reda, te je doneseno **17 zaključaka**.

Na sjednicama su razmatrani redovni mjesečni Izvještaji o radu policijskog komesara i Izvještaji o radu Uprave policije sa ocjenom stanja bezbjednosti za određeni vremenski period, kojom prilikom su članovi Nezavisnog odbora nastojali da davanjem određenih konkretnih prijedloga i sugestija, doprinesu što boljem i kvalitetnijem radu policije.

PRIKAZ AKTIVNOSTI NEZAVISNOG ODBORA ZA IZBOR I REVIZIJU U IZVJEŠTAJNOM PERIODU PO SJEDNICAMA

Nezavisni odbor za izbor i reviziju je u toku 2016. godine, održao deset sjednica.

- **Na 6. sjednici Nezavisnog odbora za izbor i reviziju, koja je održana 04.02.2016. godine,** razmatran je Izvještaj o radu policijskog komesara za mjesec decembar 2015. godine i Izvještaj o radu Uprave policije i stanju bezbjednosti za decembar 2015. godine na području Zeničko-dobojskog kantona. Takođe je utvrđen Izvještaj o radu Nezavisnog odbora za izbor i reviziju za 2015. godinu, razmatrani su prijedlozi za donošenje novog Poslovnika o radu Nezavisnog odbora za izbor i reviziju, a u cilju pripreme za donošenje ovog akta na narednoj sjednici Nezavisnog odbora, te razmatrane pristigle predstavke.

Navedeni izvještaji su primljeni na znanje uz određene sugestije članova NO. Stav je da svi članovi Nezavisnog odbora za jednu od idućih sjednica pripreme svoje prijedloge za donošenje novog Poslovnika o radu Nezavisnog odbora. Povodom anonimne predstavke prosljedene od strane Federalne uprave policije, aktom od 24.12.2015. godine, koji je zaprimljen u Stručnu službu Skupštine Kantona dana 28.12.2016. godine, Nezavisni odbor za izbor i reviziju je zauzeo stav da se predstavka dostavi Jedinici za profesionalne standarde MUP-a Zeničko-dobojskog kantona, radi provjere navoda iznesenih u predavci po svim tačkama, te da nakon izvršenih provjera Jedinica za profesionalne standarde dostavi Nezavisnom odboru za izbor i reviziju preciznu pismenu informaciju o rezultatu provjera.

- **Na 7. sjednici Nezavisnog odbora za izbor i reviziju, održanoj 15.02.2016. godine,** donesen je Poslovnik o radu Nezavisnog odbora za izbor i reviziju, i isti je objavljen u „Službene novine Zeničko-dobojskog kantona“ broj: 3/16.
- **Na 8. sjednici Nezavisnog odbora za izbor i reviziju, održanoj 29.02.2016. godine,** Nezavisni odbor je razmatrao Izvještaj o radu policijskog komesara za januar 2016. godine i Izvještaj o radu Uprave policije sa ocjenom stanja bezbjednosti na području Zeničko-dobojskog kantona za januar 2016. godine, koje je nakon detaljnog razmatranja

i pitanja koje su članovi Nezavisnog odbora postavljali komesaru, te nakon pojašnjenja datih od strane komesara, primio na znanje.

- **Na 9. sjednici Nezavisnog odbora za izbor i reviziju, održanoj 07.04.2016. godine,** Nezavisni odbor je razmatrao Izvještaj o radu policijskog komesara za februar 2016. godine i Izvještaj o radu Uprave policije sa ocjenom stanja bezbjednosti na području Zeničko-dobojskog kantona za februar 2015. godine, koje je nakon detaljnog razmatranja i pitanja koje su članovi Nezavisnog odbora postavljali komesaru, te nakon pojašnjenja datih od strane komesara, primio na znanje.

Osim navedenog, Nezavisni odbor je razmatrao i Obavijest Ureda za pritužbe javnosti u vezi anonimne predstavke koja se odnosi na interni oglasa. Nezavisni odbor je navedenu obavijest primio na znanje.

- **Na 10. sjednici Nezavisnog odbora za izbor i reviziju, održanoj 12.05.2016. godine,** razmatran je Izvještaj o radu policijskog komesara za mart 2016. godine i Izvještaj o radu Uprave policije sa ocjenom stanja bezbjednosti na području Zeničko-dobojskog kantona za mart 2016. godine. Nakon provedene rasprave, Nezavisni odbor je primio na znanje Izvještaj o radu policijskog komesara za mart 2016. godine, te Izvještaj o radu Uprave policije sa ocjenom stanja bezbjednosti na području Zeničko-dobojskog kantona za mart 2016. godine.

Nezavisni odbor za izbor reviziju je donio zaključak da se nakon radne sjednice Nezavisnog odbora, koja se planira održati u prvoj polovini juna 2016. godine, pozovu članovi Komisije za nadzor rada policije Skupštine Zeničko-dobojskog kantona, kao i ministar Ministarstva unutrašnjih poslova, radi upoznavanja, razmjene iskustava i saradnje u okviru Zakonom propisanih nadležnosti svakog od ova dva tijela Skupštine Zeničko-dobojskog kantona, a sve u cilju podrške unapređenju dobre bezbjedonosne situacije u Kantonu.

- **Na 11. sjednici Nezavisnog odbora za izbor i reviziju, održanoj 03.06.2016. godine** razmatran je Izvještaj o radu policijskog komesara za april 2016. godine i Izvještaj o radu Uprave policije sa ocjenom stanja bezbjednosti na području Zeničko-dobojskog kantona za april 2016. godine, koje je nakon provedene rasprave, Nezavisni odbor primio na znanje.

Nakon završenog radnog dijela sjednice, održan je zajednički sastanak Nezavisnog odbora za izbor i reviziju i Komisija za nadzor rada policije, shodno Zaključku koji je donesen na 10. sjednici Nezavisnog odbora. Na zajedničkom sastanku je, nakon upoznavanja i razmjene iskustava u okviru Zakonom propisanih nadležnosti Komisije za nadzor rada policije i Nezavisnog odbora za izbor i reviziju, a sve u cilju još većeg unapređenja bezbjedonosne situacije u Kantonu, donesen Zaključak kojim je iskazana spremnost za institucionalnu i odgovornu saradnju ova dva tijela.

- **Na 12. sjednici Nezavisnog odbora za izbor i reviziju, održanoj 28.07.2016. godine** razmatrani su Izvještaji o radu policijskog komesara za maj i juni 2016. godine i Izvještaj o radu Uprave policije sa ocjenom stanja bezbjednosti na području Zeničko-dobojskog kantona za maj i juni 2016. godine, koje je nakon provedene rasprave, Nezavisni odbor primio na znanje.

- **Na 13. sjednici Nezavisnog odbora za izbor i reviziju, održanoj 29.09.2016. godine** razmatrani su Izvještaji o radu policijskog komesara za juli i august 2016. godine i Izvještaj o radu Uprave policije sa ocjenom stanja bezbjednosti na području Zeničko-

dobojskog kantona za juli i august 2016. godine, koje je nakon provedene rasprave, Nezavisni odbor primio na znanje.

Pored navedenog, Nezavisni odbor za izbor i reviziju je zauzeo stav da se uputi apel Parlamentarnoj Skupštini BiH da što prije donese Zakon o izmjenama i dopunama Zakona o osnovama bezbjednosti saobraćaja na putevima u Bosni i Hercegovini, (koji se nalazi u skupštinskoj proceduri), imajući u vidu da se istim predviđa uvođenje određenih novih zakonskih rješenja i pooštavanje sankcija, čime bi se značajno doprinijelo poboljšanju stanja u oblasti bezbjednosti saobraćaja na putevima, a imajući u vidu da je i pored konstantnog poduzimanja svih raspoloživih zakonim propisanih preventivnih i represivnih mjera od strane policijskih službenika prilikom kontrola učesnika saobraćaja na putevima, prisutan trend stalnog povećanja broja saobraćajnih nezgoda sa velikim brojem smrtno stradalih i teško povrijeđenih lica.

Upućivanjem apela Nezavisni odbor je htio da da doprinos u poboljšanju stanja u oblasti bezbjednosti saobraćaja.

Pod tačkom: Tekuća pitanja, Nezavisni odbor je razmatrao još jednu anonimnu predstavku, koja im je dostavljena od strane Agencije za prevenciju korupcije i koordinaciju borbe protiv korupcije. Lista predstavka je dostavljena od strane Federalne uprave policije. Nezavisni odbor za izbor i reviziju je, shodno svojim nadležnostima utvrđenim u odredbi člana 31. stav 1. tačka 5. Zakona o unutrašnjim poslovima Zeničko-dobojskog kantona, a imajući u vidu i odredbu člana 6. stav 3. i 4. Zakona o postupanju sa predstavkama i prijedlozima, razmatrao pomenutu anonimnu predstavku, te zauzeo stav da dostavljena anonimna predstavka ne sadrži dovoljno elemenata koji upućuju na postojanje nedozvoljenih radnji i pojava koje je neophodno spriječiti ili otkloniti, odnosno ne postoje opravdani razlozi za njeno razmatranje jer u istoj nisu navedeni, niti su uz istu priloženi bilo kakvi dokazi za iznesene tvrdnje, zbog čega nisu ispunjeni uslovi za poduzimanje bilo kakvih daljnjih aktivnosti i mjera po pomenutoj predstavi.

- **Na 14. sjednici Nezavisnog odbora za izbor i reviziju, održanoj 03.11.2016. godine** razmatrani su Izvještaji o radu policijskog komesara za septembar 2016. godine i Izvještaj o radu Uprave policije sa ocjenom stanja bezbjednosti na području Zeničko-dobojskog kantona za septembar 2016. godine, koje je nakon provedene rasprave, Nezavisni odbor primio na znanje.

Nezavisni odbor za izbor i reviziju konstatovao je da je stanje bezbjednosti na području Zeničko-dobojskog kantona dobro, te je dao podršku policijskom komesaru, kao i Upravi policije MUP-a Zeničko-dobojskog kantona u nastavku rada i daljnjih aktivnosti na suzbijanju prekršaja javnog reda i mira i drugih nezakonitih ponašanja.

- **Na 15. sjednici Nezavisnog odbora za izbor i reviziju, održanoj 01.12.2016. godine** razmatrani su Izvještaji o radu policijskog komesara za oktobar 2016. godine i Izvještaj o radu Uprave policije sa ocjenom stanja bezbjednosti na području Zeničko-dobojskog kantona za oktobar 2016. godine, koje je nakon provedene rasprave, Nezavisni odbor primio na znanje.

Iako je planirano, zbog izuzetno velike skupštinske aktivnosti u drugoj polovini decembra i preopterećenosti Stručne službe Skupštine, nije održana još jedna sjednica Nezavisnog odbora. Bezbjedonosno stanje na području Zeničko-dobojskog kantona je bilo zadovoljavajuće, te nije bilo potrebe za insistiranjem za održavanjem sjednice, odnosno za djelovanje Nezavisnog odbora.

OSTALE AKTIVNOSTI IZ NADLEŽNOSTI NEZAVISNOG ODBORA ZA IZBOR I REVIZIJU

U navedenom izvještajnom periodu nije bilo prijedloga Skupštine, Vlade, ministara i drugih nadležnih organa ili pojedinaca vezano za pitanja iz nadležnosti Nezavisnog odbora za izbor i reviziju, a po kojima bi Nezavisni odbor imao zakonskog osnova za postupanje.

ZAKLJUČCI I PRIJEDLOZI MJERA ZA POBOLJŠANJE STANJA

Imajući u vidu Zakonom definisan djelokrug rada Nezavisnog odbora za izbor i reviziju i postupanja NO u skladu sa tim djelokrugom rada kroz redovno upoznavanje sa izvještajima o radu policijskog komesara i Uprave policije, mogu se izvesti sljedeći zaključci:

1. Nezavisni odbor za izbor i reviziju upoznaje se sa Izvještajem o radu Uprave policije i policijskog komesara i po istim zauzima odgovarajuće stavove.
2. Imajući u vidu postojeću društveno-ekonomsku, političku i socijalnu situaciju u Bosni i Hercegovini, Federaciji BiH, pa i u Zeničko-dobojskom kantonu, na bazi izvještaja o radu Uprave policije i izvještaja o radu policijskog komesara Nezavisni odbor za izbor i reviziju je zaključio da je bezbjedonosna situacija u Zeničko-dobojskom kantonu i sigurnost građana na zadovoljavajućem nivou.

Mjere i preporuke

1. *Radi stvaranja objektivnih pretpostavki, odnosno omogućavanja adekvatnih uslova za kontinuirano unapređenje rada policije, odnosno Uprave policije i policijskog komesara, kao rukovodioca ove Uprave, a time i što veće i bolje zaštite i sigurnosti građana i imovine, potrebno je nastaviti sa kadrovskim jačanjem Uprave policije kao i nabavkom potrebne opreme, odnosno nedostajućih materijalno-tehničkih sredstava.*
2. *Nezavisni odbor za izbor i reviziju preporučuje da se prilikom izrade Zakona o unutrašnjim poslovima Zeničko-dobojskog kantona dodatno preciziraju nadležnosti Nezavisnog odbora, u smislu da se nadležnosti Nezavisnog odbora u odnosu na druga tijela uspostavljena navedenim Zakonom jasno razgraniče.*

Broj: 01-04-1133-1-1 /17

Zenica, dana, 27.01.2017. godine

Dostavljeno:

- 1x Skupštini Zeničko-dobojskog kantona,
- 1x U spis predmeta 18 . sjednice
Nezavisnog odbora za izbor i reviziju

